

- c) Ukoliko vrši spaljivanje biljnih i drugih tvari u većem obimu i na većim površinama, kojim bi se mogle ugroziti druge površine ili objekti (industrijske građevine, postrojenja, stambeni, gospodarski i drugi objekti, električni i telefonski stubovi i vodovi, saobraćajnice, poljoprivredne i šumske površine i sl.), a da predhodno nije obavijestio Službu civilne zaštite Općine Kakanj (član 16.);
- d) Ukoliko napusti mjesto paljenja vatre, a da nije ugasio vatru na otvorenom prostoru i pregledao ostatke vatre prebacivanjem pepela, polijevanjem vode i primjenom drugih sredstava za gašenje, dok se vatra ne ugasi u potpunosti (član 22.).
- e) Vršiti spaljivanje predmeta od gume, plastike, kože, prerađevina od ulja, maziva, te otpada na bazi hemijskih spojeva koji na bilo koji način utiču ili mogu uticati na zagađenje okoliša i zdravlja ljudi (član 21.).
- f) Ako šljaku i pepeo iz industrijskih i drugih kotlovnica i ložišnih uređaja domaćinstava ne odlaže na posebnom, za tu svrhu uređenom mjestu (posude za smeće – kante i kontejneri, jame i deponije), bez predhodno sigurnog gašenja sa vodom (član 50.).
- g) Ukoliko u tavanjskim prostorima, podrumima, hodnicima, stepeništima i drugim sličnim prostorima, drži nepropisno bilo kakve lako zapaljive, eksplozivne i opasne materije (član 51).

Član 68.

Na osnovu učinjenog prekršaja kažnjivog po odredbama člana 66. i 67. ove Odluke, može se od prekršioca naplatiti stvarno prouzrokovana materijalna šteta u skladu sa odredbama pozitivnih propisa, kojima se reguliše naknada štete, a za ostale nepredviđene situacije, primjenjivat će se i drugi pozitivni zakonski propisi, shodno vrsti počinjenog djela.

Za učinjeni prekršaj može se prekršiocu uz novčanu kaznu izreći i zaštitna mjera u skladu sa pozitivnim Zakonom o prekršajima FBiH.

Novčane kazne i naknada štete izrečene i ostvarene po odredbama ove Odluke, prihod su Budžeta Općine Kakanj.

VI – PRIJELAZNE I ZAVRŠNE ODREDBE

Član 69.

Odluka stupa na snagu osmog dana (8) od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

114.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-198/13

Kakanj, 29.04.2013. godine

Na osnovu člana 132. a u vezi sa članom 124. tačka f) Zakona o zaštiti od požara i vatrogastvu („Službene novine Zeničko-dobojskog kantona“, broj: 05/11), člana 8. stav. 3. tačka 28, člana 13. stav 2. tačka 4., člana 36. i 37. Zakona o principima lokalne samouprave Federacije BiH („Službene novine Federacije BiH“, broj: 49/06), te na osnovu člana 24. stav 1. tačka 6. i člana 108. Statuta Općine Kakanj („Službene novine Općine Kakanj“, broj: 4/08), Općinsko vijeće Kakanj na 7. sjednici, održanoj 29.04.2013. godine, donijelo je

O D L U K U

o naknadama za vatrogastvo

Član 1.

Ovom Odlukom utvrđuju se obveznici i visina naknade, način prikupljanja, namjena sredstava i rokovi plaćanja.

Član 2.

Obveznici naknade iz člana 1. ove Odluke su pravna lica, zanatske, trgovačke, ugostiteljske radnje, agencije, knjigovodstveni servisi, uredi i mikro kreditne organizacije.

Pravna lica koja formiraju vlastitu profesionalnu vatrogasnu jedinicu ili imaju zaključen ugovor sa odgovarajućim službama u mjestu gdje se nalazi

privredno društvo, isključuju se iz obaveze plaćanja naknade iz stava (1) ovog člana.

Član 3.

Visina naknade za vatrogastvo iz člana 1. Odluke, određuje se prema jedinici površine koju koriste obveznici iz člana 2. Odluke, te prema požarnom opterećenju i požarnom riziku objekta, a ona iznosi:

- za poslovne prostore površine do 100 m², utvrđuje se paušal od 10,00 KM godišnje;
- za poslovne prostore površine preko 100 m², 0,01 KM/m² mjesečno;
- za skladišne prostore 0,02 KM/m² mjesečno;
- za prostore koje koriste zdravstvene, obrazovne, kulturne, sportske, vjerske ustanove i organizacije 0,001 KM/m² mjesečno;
- za privredna i druga pravna lica, koja se bave proizvodnjom, preradom, distribucijom ili skladištenjem zapaljive ili ostale opasne materije, u kojima postoji povećana opasnost od požara i eksplozija (izuzev benzinskih pumpi), visina naknade utvrđuje se na osnovu površine prostora po (m²) u kome se obavlja ta djelatnost i iznosi. 1,00 KM/m² mjesečno;
- za benzinske pumpe visina naknade utvrđuje se na osnovu kapaciteta rezervoara za gorivo po (m³) i iznosi. 1,00 KM/m³ mjesečno.

Sva potraživanja nastala do dana stupanja na snagu ove Odluke, plaćat će se po propisima koji su važili u trenutku nastanka obaveze.

Član 4.

Općinski načelnik će svojim Rješenjem naknadno formirati Komisiju za utvrđivanje stvarnog stanja kvadrature površina koje podliježu obavezni plaćanja, po ovoj Odluci.

Član 5.

Prikupljena finansijska sredstva će se koristiti za sljedeće namjene:

1. nabavku vatrogasne opreme za vatrogasne jedinice;
2. nabavku tehničkih i drugih sredstava za vatrogasne jedinice;
3. stručno obučavanje i osposobljavanje vatrogasaca;
4. održavanje opreme i vatrogasnih sredstava vatrogasne jedinice;
5. investicionu izgradnju i opremanje objekata za potrebe vatrogasnih jedinica.

Član 6.

Nalogodavac po sredstvima naknade za vatrogastvo je Općinski načelnik, po prijedlogu Službe civilne zaštite Općine Kakanj.

Član 7.

Administrativno-stručne poslove koji se odnose na izdavanje Rješenja, prikupljanje sredstava od naknada za vatrogastvo, praćenje troškova i namjenske upotrebe navedenih sredstava, vršit će Služba civilne zaštite Općine Kakanj.

Član 8.

Računovodstvene i knjigovodstvene poslove naknade za vatrogastvo, vodit će Služba za finansije Općine Kakanj.

Član 9.

Naknadu iz člana 3. ove Odluke, obveznici su dužni platiti po ispostavljenom Rješenju o određivanju naknade u kojem će biti formulisan način i rokovi plaćanja naknade.

Propisane kaznene odredbe za učinjene prekršaje, u smislu neizvršavanja obaveza, pravnih lica, rukovodilaca organa uprave i upravnih organizacija i drugih institucija i pojedinaca, utvrđeni su u odredbama čl. 166. do 169. Federalnog zakona o zaštiti od požara i vatrogastvu („Službene novine FBiH“, br: 64/09).

Član 10.

Donošenjem ove Odluke o naknadi za vatrogastvo, Odluka o osnivanju Općinskog fonda za vatrogastvo Kakanj, broj: 0-01/1-70/05 od dana 22.02.2005.godine („Službene novine Općine Kakanj“, broj: 1/05) i Odluka o utvrđivanju visine naknade za obezbjeđenje sredstava za vatrogastvo, broj: 0-01/1-125/06 od dana 10.10.2006.godine („Službene novine Općine Kakanj“, broj: 6/06), prestaju da važe.

Član 11.

Sva sredstva zatečena na žiro-računu Fonda za vatrogastvo Općine Kakanj, kao i potraživanja po izdatim Rješenjima, biće prenesena na Budžet Općine Kakanj, na poseban ekonomski kod.

Član 12.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

115.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-195/13

Kakanj, 29.04.2013. godine

Na osnovu člana 35. stav 3. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09), člana 115. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 7. sjednici održanoj 29.04. 2013. godine, d o n i j e l o j e

O D L U K U

**o davanju saglasnosti za pokretanje postupka
izgradnje službene zgrade za rad i smještaj
organa uprave općine Kakanj**

Član 1.

Ovom odlukom daje se saglasnost Općinskom načelniku za pokretanje postupka izgradnje službene zgrade za rad i smještaj organa uprave općine Kakanj i upravne organizacije - Zavod za planiranje i izgradnju općine Kakanj u ulici Branilaca bb, na parceli označenoj kao k.č.br. 1369/1 k.o. Kakanj N.P. i k.č.410/2,3,4,5,6,7,8,9,10,11,12,13,14 k.o. Popi (S.P.) (lokacija kod zgrade „Elektrodistribucije“ Kakanj).

Član 2.

Dio sredstava za izgradnju objekta iz tačke I ove Odluke obezbijedit će se od prodaje imovine u vlasništvu Općine Kakanj i to nekretnina - poslovnih prostora koji se nalaze u Kakanju u ulicama Alije

Izetbegovića, Osmana Džafića, Melente Bošnjaka, Rudi Čajaveca i Almira Hasagića.

Član 3.

Općinsko vijeće ovom Odlukom obavezuje općinskog načelnika da iznađe dodatne budžetske izvore finansiranja ovog investicionog projekta, apliciranjem kod viših organa vlasti (Kanton, Federacija itd.) i promovisanjem istog kod domaćih i stranih donatora.

Član 4.

Po okončanju prethodnih pripremnih aktivnosti za realizaciju ovog projekta, Općinsko vijeće će donijeti posebnu odluku o pristupanju izgradnji službene zgrade, odnosno nabavci nekretnine za rad i smještaj organa uprave općine Kakanj.

Član 5.

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

116.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-207/13

Kakanj, 29.04.2013. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća Kakanj („Službene novine Općine Kakanj“, broj: 6/11), Općinsko vijeće na 7. sjednici održanoj 29.04.2013. godine, donijelo je

O D L U K U

**o usvajanju Izvještaja o izvršenju
Budžeta Općine Kakanj za 2012. godinu**

Član 1.

Ovom Odlukom usvaja se Izvještaj o izvršenju Budžeta Općine Kakanj za 2012. godinu.